



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Sedes Episcopalis, Sive Thronus.

urn:nbn:de:hbz:466:1-10447

est revocatum, nec obstat dicere, quòd tueor partem meam, & ago causam propriam deferendo Episcoporum auctoritatem, cum sim Episcopus, quia fateor ingenuè in Episcopatu meo, vel paucas, vel tenuissimas habere collationes, sed amicus Plato, amicus Socrates, & veritas per se elucet, Tull. r. Offic.

Decimò, nota mensem positum in d. c. statutum, currere à die vacationis, non notitiæ, sicut dicitur in c. licet de suppl. negl. pral. & de jur. patr. gl. in d. c. statutum, in ver. numerandum, quia hoc est interdictum in favorem Ecclesiarum vacantium, ne diu vacentur:

Decimoprimum, nota quòd dicta beneficia, & dignitates sic ad Ordinarium devoluta beneficio, d. c. statutum, & indulgentia, d. capit. si Apostolica sede, conferri debent ab Ordinario intra legitima tempora, prout in c. secundo, de concess. prabend. iterum fit devolutio ad sanctam Sedem Apostolicam, & etiam per regulas Cancel. à Pontifice successore, prout dixi superius in ver. regula Cancellaria, & sic ego practicavi in Episcopatu meo Minorenli, inveni dignitatem Archidiaconatus vacantem, quasi per annum, & quardam parochialem, & quardam beneficiuncula Sede Episcopali vacante, quasi per triennium, quæ propter eorum tenuitatem à nemine impetrabantur, quia ut vulgò dicitur, *Era piula spesa, che la presa*, & impetravi facultatem à sanctissimo Domino nostro Elem. VIII. conferendi illa favore, & intercessione Illustrissimi Card. Cinthii Nepotis e-

iusdem Sanctitatis, hoc anno 1597. quæ univi capitulo pauperrimo pro distributionibus quotidianis, ad horas canonicas recitandas, quod prius non erat.

Decimosecundo, reservatio beneficiorum facta à Papa currit non solum à die reservationis inclusivè, prout supr. in ver. alternativa, §. 5. sed à momento temporis, Gem. in c. si eo tempore, ver. quæro, de elect. lib. 6.

Decimotertio, reservationes factæ à Papa expirant per mortem illius, Gem. in cap. 3. ver. quod nota, de offic. leg. lib. 6. vide in 1. part. in ver. beneficium, §. 2. ver. fallit quintò.

REPROBATUS.

Reprobus ob vitium, super eadem lepra percutitur per regulam, qui semel malus. Hest. in tit. de elect. §. nedom criminandus, nu. 10. quod nota pro concurrentibus ad beneficium, licet adveniente mutatione morum in melius possit admitti, ita sac. Conc. Trid. sess. 25. c. 14. de refor. donec post manifestum, ratio est, quia mores variantur, in disput. 6. de Petro, 47. dist. & Cavalc. dec. 19. & dictum est in ver. concursus, in ver. Ordo, & in ver. dimissoria.

SEDES EPISCOPALIS, SIVE THRONUS.

Sedes Episcopalis, sive thronus Episcopalis, quid significet? Respondetur ex decretis Urbani Papæ primi, ut habe-

habetur in sum. Concil. in hæc verba, Quod autem sedes in Ecclesiis Episcoporum excelsa constituta, & præparata inveniuntur, ut thronus speculationem, & potestatem iudicandi, & solvendi, atque ligandi à Domino, sibi datam materiam docet, ut Matth. cap. 16. legitur: Quæcunque ligaveritis, &c. & Ioan. c. 20. Quorum remiseritis, & inseritis; valde enim timenda est sententia Episcopi. licet iniuste liget aliquem, c. quibus Episcopis, 11. questio. 3. significat vigilantiam Episcopi super gregem, Exechiel. capit. 23. & 34. ubi habetur, speculatorem dedi te domui Iuda, &c.

SCEPTRUM.

Sceptrum est unum de signis regalibus, in cuius culmine apud antiquos ethnicos Reges erat sculpta imago Jovis; hodie verò apud Reges Christianos imponitur imago Crucis, vel Christi Domini, & significat, quòd Rex sub pace vult fovere omnes suos subditos, mares, & scæminas, potentes, & impotentes, ita Doct. tex. in cap. ex tenore, de form. compet. & Affl. in const. omnes nostri, l. notab.

SEDERE.

DE sessione debet haberi ratio, & servari ordo consuetus, quia honor sedendi vocatur privilegium, & satis decorat, Affl. in const. in locis demanij, in l. notab. quod facit pro eis, quæ diximus in ver. concilium, & in parlamento Regis.

Prax. Episc. Pars II.

SENTENTIA.

PRimò, an sententia, in qua pronuntiat, appellacionem fore desertam, sit diffinitiva? Respondetur ex Cap. Tolos. 9. 303. quòd non, sed habet vim diffinitivæ, sed quando pronuntiat bene appellatum, vel econtrà, tunc est diffinitiva, & sic habet locum in ea sac. Conc. Trid. sess. 24. c. 2. de refor.

Secundò, in materia beneficii, nunquam sententia facit transitum in iudicatum, ita gl. & Doct. in c. 1. de concess. præbend. Rebuff. de subrogat. num. 22. ver. lata, in materia matrimonii, c. lator, de sent. & re jud. nec in crimine hæresis, per Bull. Pii V. Covar. de spons. 2. p. §. ult. num. 12.

Tertiò, sententiam dans Judex ecclesiasticus propter illa quatuor requisiti, scilicet, odium, favorem, timorem, & præmium, est ipso iure suspensus ab officio per annum, & si interim celebravit, efficitur irregularis, capit. 1. gloss. & Gemin. de re judic. lib. 6.

Quartò, an, & quando iudex debeat exprimere causam in sententia, vide Gemin. in cap. si confirmationem, de elect. lib. 6. in fine, ubi dicit, quòd tunc debet exprimi causa, quando ultra intentum suum possit partibus præsentibus præjudicare, cap. sicut, de re jud. & ibi gloss. in ver. exprimitur, Gom. in c. statutum, num. 12. de rescript. lib. 6. Marant. 6 par. tit. de sent. num. 50. Foller. pract. crim. 4 p. nu. 88. ubi dicit, quòd

T

in